

ლომსხუმი

გაზეთი გაზეთის
1933 წლის
10 მაისიდან

საქართველოს კომპარტიის ცენტრის რაიონული კომიტეტისა და
ცენტრის სახალხო დეპუტატთა რაიონული საბჭოს ორგანო
«ЛЕЧУМИ» — Орган Цагерского райкома Компартии Грузии
и Цагерского Районного Совета народных депутатов

№92 (6318) ხუთშაბათი 2 აპრილი 1990 წელი ფასი 3 კპბ.

გაგონიერით მოქალაქეობრივი პასუხისმგებლობა

„სსრ კავშირის კანონმდებლობით გაუთვალისწინებელი შეიარაღებული ფორმირებების შექმნის აკრძალვისა და უკანონო შენახვის შემთხვევებში იარაღის ჩამორთმევის შესახებ“ სსრ კავშირის პრეზიდენტის ბრძანებულების რეალიზაციის უზრუნველყოფის ღონისძიებანი განიხილეს საქართველოს სსრ მინისტრთა საბჭოს პრეზიდიუმის მორიგ სხდომაზე.

ეს იყო ერთადერთი საკითხი, რომელიც შეიტანეს დღის წესრიგში, ხოლო მის უაღრესად დიდ მნიშვნელობას მოწმობს თუნდაც სხდომაზე მოყვანილი ასეთი ფაქტები. ამ ბოლო დროს ოპერატიული ვითარება საქართველოში უაღრესად გამწვავდა, გაუარესდა სამართალდარღვევებთან ბრძოლის მდგომარეობა, გაზარდა მილიციის განყოფილებებზე, სამხედრო და სამოქალაქო დაქვემდებარების ობიექტებზე თავდასხმის შემთხვევები იარაღის ხელში ჩაგდების მიზნით, მოსახლეობაში დაგროვილი იარაღი, ასაფეთქებელი ნივთიერებანი მძიმე დანაშაულობათა ჩადენის პოტენციურ საფრთხეს ქმნის. ზოგიერთ რეგიონში აღინიშნება შეიარაღებულ ფორმირებათა თვითნებური შექმნის ფაქტები. ყოველივე ეს ხდება

სხვადასხვა ღონის ხელმძღვანელთა უპასუხისმგებლობის გამოვლენის ფონზე, რომლებიც არ ახორციელებენ კანონმდებლობით გათვალისწინებულ შესაბამის ღონისძიებებს. პროვოკაციულად იწვევენ დაძაბულობას, ხდება ვითარების დესტაბილიზაცია, საფრთხე ექმნება ადამიანთა სიცოცხლეს. მოვლენათა ამგვარი განვითარება რესპუბლიკის მოსახლეობის ფართო ფენების სამართლიან აღშფოთებას იწვევს, სერიოზულად აბრკოლებს მის წინაშე მდგომი პირველი რიგის ამოცანების გადაწყვეტას.

განხილვის დროს გამოსულ მთავრობის წევრებს, სამინისტროთა და უწყებების ხელმძღვანელებს შეჰქონდათ კონკრეტული წინადადებანი და შენიშვნები. კერძოდ, ითქვა, რომ საჭიროა განამტკიცონ სამართალდაცვითი ორგანოების მატერიალურ-ტექნიკური ბაზა არა სახელმწიფო ბიუჯეტიდან დამატებითი სახსრების გამოყოფის გზით, არამედ ნაკლებფექტიანი სფეროებიდან ფინანსური სახსრების გარკვეული გადაწყვეტილების გზით. მიღებული დადგენილებით გათვალისწინებულია შეიქმნას სსრ კავშირის პრეზიდენტის 24 ივლისის ბრძანებულების რეალიზაცი-

ისათვის მთელი მუშაობის კოორდინაციის რესპუბლიკური შტაბი, მისი თავმჯდომარე გახდება, ა. კითანავა, ხოლო შემადგენლობაში შევიდნენ სამართალდაცვითი ორგანოების პირველი ხელმძღვანელები. ადგილებზე დასახული მუშაობის დიდი ეფექტიანობის მიზნით მიღებულია წინადადება, რომ რესპუბლიკის მინისტრთა საბჭოს პრეზიდიუმის წევრები პერსონალურად მიუჩინონ რეგიონებს, რომელთა ხელმძღვანელობასთან ექნებათ მუდმივი კავშირი ძალისხმევის კოორდინაციისათვის.

განისაზღვრა სხვა ღონისძიებები, რომლებმაც უკეთესობისაკენ უნდა შეცვალონ ოპერატიული ვითარება, რესპუბლიკაში ამ საგანგებო ამოცანის გადაწყვეტაში მართლწესრიგის ორგანოებთან ერთად ჩააბან საზოგადოებრიობის ფართო ფენები.

(სამინფორმაციო).

წელსაც პირნათელი

საშა ხაბულიანს ზარაგულაში გამრჩე ქალის სახელით იცნობენ. სამსახურებრივ მოვალეობასთან ერთად (ლუხეანოს სასოფლო საბჭოს მდივანი) სოფლის მშრომელთა გვერდით დგას შრომაშიც. პირშიც და ლხინშიც. აბრეშუმის ქიის მოვლის

კარგი გამოცდილება აქვს საშას. მის ანგარიშზე ყოველწლიურად გეგმაზე მეტი აბრეშუმის პარკი მოდის. არც წელს უღალატა გაცემულ სიტყვას და აბრეშუმის პარკის დამზადების გეგმა ორმაგად შეასრულა.

საშა ხაბულიანის ოჯახი

შრომის სხვა უბანზეც აქტიურობით გამოირჩევა, სოფლის სასიკეთოდაც შრომობენ და საკუთრივ ოჯახის მეურნეობასაც აძლიერებენ.

სურათზე: საშა ხაბულიანი.

ზ. გუმბაშას ფოტო

ახალი ცნობები

● საქართველოს სსრ მინისტრთა საბჭომ განიხილა „სსრ კავშირის კანონმდებლობით გაუთვალისწინებელი შეიარაღებული ფორმირებათა შექმნის აკრძალვისა და იარაღის უკანონოდ შენახვის შემთხვევებში მისი ჩამორთმევის შესახებ“ სსრ კავშირის პრეზიდენტის 1990 წლის 24 ივლისის ბრძანებულების რეალიზაციის უზრუნველყოფის ღონისძიებათა საკითხი; მიიღო მნიშვნელოვანი საჭიროების მოსახლეობისადმი უკანონოდ დაგროვებული იარაღის ნებაყოფლობით ჩაბარების თაობაზე.

● საქართველოს სსრ მინისტრთა საბჭოს თავმჯდომარის ნოდარ კითანავას ხელმძღვანელობით გაიმართა დამნაშავეობის წინააღმდეგ ბრძოლის კოორდინაციის რესპუბლიკური შტაბის სხდომა.

● 80-81 ივლისს მიმდინარეობდა საქართველოს სსრ უზენაესი

საბჭოს საარჩევნო კანონ-პროექტების მოსამზადებელი კომისიის სხდომები გივი გუმბარაძის ხელმძღვანელობით. კომისიამ მიიღო გადაწყვეტილება პრესაში გამოქვეყნდეს ყველა კანონ-პროექტი იმათი ჩათვლით, რომლის შემუშავებაში მონაწილეობდნენ და, „მრავალი მაგიდის“ ორგანიზაციები, ლიბერალურ-დემოკრატიული პარტია და სახალხო ფრონტი, კომისიამ საჭიროდ ჩათვალა სესიის მოწვევამდე არ განხორციელებს „სსრ კავშირის კანონმდებლობით გაუთვალისწინებელი შეიარაღებულ ფორმირებათა შექმნის აკრძალვისა და იარაღის უკანონოდ შენახვის შემთხვევებში მისი ჩამორთმევის შესახებ“ სსრ კავშირის პრეზიდენტის ბრძანებულებით გათვალისწინებული ღონისძიებები, რათა ამაზე ხელი არ შეუშალოს კანონ-პროექტების საყოველთაო-სახალხო განხილვას.

სახალხო დეპუტატთა რაიონული საბჭოს აღმასკომში

სახალხო დეპუტატთა რაიონული საბჭოს აღმასკომში ჩატარდა საზოგადოებრივ მეურნეობათა გლეხურ მეურნეობაზე გადასვლის ღონისძიებათა რაიონული კომისიის გაფართოებული სხდომა. სხდომას ესწრებოდნენ სასოფლო საბჭოებისა და კოლმეურნეობათა თავმჯდომარეები,

რაიონის აქტივი. ინფორმაცია საზოგადოებრივ მეურნეობათა გლეხურ მეურნეობაზე გადასვლის შესახებ გააკეთა რაიონის საზოგადოებრივი მეურნეობების გლეხურ მეურნეობაზე გადასვლის უზრუნველყოფის რაიონული კომისიის თავმჯდომარე, სახალხო დეპუტატთა რაი-

ონული საბჭოს აღმასკომის თავმჯდომარე დ. სვანიძე. შემუშავდა კოლმეურნეობებში გლეხურ მეურნეობაზე გადასვლასთან დაკავშირებული კრებების ჩატარების გრაფიკი. განხილულ იქნა გლეხურ მეურნეობაზე გადასვლის სამოქმედო დროებითი დებულება.

ხილის მოსავალი კარგია

ხილის დამზადების დავალების შესრულების საფუძველი არის ცაგერის კოლმეურნეობაში. როგორც საკარმიდამო, ისე საზოგადოებრივ მეურნეობაში კარგად ასხია კურკოვან და თესლოვან ხილს.

აქ გარკვეულ ფართობზე აქვთ წითელი ჯიშის ტყემალი, რომლის კრეფას უკვე შეუდგნენ №1 და №2 ბრიგადების (ხელმძღვანელები ნ. სალინაძე და ვ. გოგიძე) მშრომელები.

წელს კურკოვანი და თესლოვანი ხილი ცაგერელებს 125 ტონა აქვთ დასამზადებელი.

17 ტონა კურკოვან ხილს, რაც გეგმითაა გათვალისწინებული, მარტო ტყემლის მოსავლით შეასრულებენ.

რაიონის მუხანებელთა კავშირის

საინიციატივო ჯგუფის

მ ი მ ა რ თ ვ ა

რაიონის პარტიულ, საგმომთავრობო,

კლემენტარულ ორგანოებს

მემატიანესა და რესპუბლიკაში შექმნილმა პოლიტიკურმა ვითარებამ მნიშვნელოვანი ზეგავლენა მოახდინა რაიონის სამხედრო ორგანიზაციების საქმიანობაზე.

ბოლო პერიოდში გამოსულმა კანონებმა, კერძოდ კანონმა „კოოპერაციის შესახებ“, კანონმა „საწარმო-ს“ შესახებ, სამხედრო ორგანიზაციებს მნიშვნელოვნად გაუფართოვა უფლებამოსილება. აღნიშნული კანონების საფუძველზე მხედრული უფლებამოსილია თავისი ორგანიზაციის ინტერესებიდან გამომდინარე უშუალო კონტაქტი დამუშაოს დამკვეთ და მომწოდებელ ორგანიზაციებთან. მაგრამ არსებული ბიუროკრატიული სისტემის ზემოქმედებით და მკონტროლებელი ორგანოების სიმრავლის პირობებში კანონის ძალაში შესვლას წინ უმარავი დაბრკოლება ელბება და ვერ განხორციელდება. სწორედ ამის დამატებით უნდა იქნას გარემოება, რომ ცალკეული ზემოქმედების და მკონტროლებელი ორგანოების მიერ კვლავ ადგილი აქვს ძველებური სტილით, საქმის რეალური არსის ანალიზის გარეშე მიღებულ გადაწყვეტილებებს და დირექტიულ ბრძანებებს.

არავინ ითვალისწინებს

მასალების, სატრანსპორტო საშუალებების, შრომითი რესურსების სისტემატური გაძვირების პროცესს. ეს უკანასკნელი კი სრულიად არ შეესაბამება ამჟამად მოქმედ სამხედრო ნორმებს და სტანდარტებს.

აღნიშნულმა გარემოებამ არა მარტო მძიმე ფინანსურ მდგომარეობაში ჩააყენა ორგანიზაციები, არამედ არის რეალური საფრთხე, რომ სამხედრო ორგანიზაციების ფუნქციონირება საერთოდ შეუძლებელი გახდეს უახლოეს დროში. ეს კი მოგვხსენებათ დამღუპველია რაიონის ეკონომიკისათვის და საერთოდ ხალხისათვის.

დღეისათვის მოქმედი შრომის ანაზღაურების ნორმები იმუდლებულს ხდის სამხედრო ორგანიზაციებს, წინასწარი განზრახვით, ყოველგვარი პიროვნული დაინტერესების გარეშე და უშუალო ათასგვარი უკანონო ოპერაციის ჩატარება. რაც შემდგომ რეაგირების საბაზი ხდება ნებისმიერი მკონტროლებელი ორგანოს მიერ.

ზემოთ აღნიშნულიდან გამომდინარე ვაცხადებთ:

1. სასწრაფოდ იქნას უარყოფილი მხედრობაში ამჟამად მოქმედი სამხედრო ნორმები და სტანდარტები.

რესპუბლიკური მთავრობის მიერ ახალი ნორმების შემუშავებამდე შემოღებულ იქნას დროებითი სახელმწიფოებრივი ფასები 1990 წლის 1 აგვისტოდან.

2. სანამ ჩვენს წინაშე არ სტეხული პრობლემები არ გადაწყდება, არც ერთ სამხედრო ორგანიზაციაში არ იქნება დაშვებული არც ერთი მკონტროლებელი ორგანოს წარმომადგენელი.

ჩვენი განცხადების უზულებელყოფის ყოველი ფაქტი ჩვენს მიერ განიხილება, როგორც მხედრობაში უფლებების შელახვა და მივმართავთ მკაცრ საპროტესტო აქციებს.

რაიონის მხედრობაში წინაშე არსებული პრობლემების და წინააღმდეგობების დეტალური ანალიზი და მოთხოვნები უახლოეს პერიოდში გამოქვეყნდება.

რაიონის მუხანებელთა კავშირის საინიციატივო ჯგუფი:

მ. ხეცურიანი, ქ. ყურაშვილი, ს. თვარაძე, ა. კვირკაშვილი, ა. კიზირია, ა. ხვადაგანი, რ. დავითიშვილი, ო. გიორგობიანი, გ. გაბისონია, ვ. სილაგაძე, კ. გოგიძე, ი. მდივანი, ა. გოგიძე, შ. ომანაძე, გ. ნემსწერიძე, ლ. ნემსწერიძე.

თვალსაზრისი

როცა სხვებს მორალს უკითხვენ

სხვისი ხელით ჭინჭრის კრეფა ადვილია, უთქვამს ჩვენს წინაპარს. ეს პირდაპირ მიესადაგება ზოგ-ზოგიერთების გამოსვლას ტელევიზიით იქნება თუ პრესის ფურცლებზე. სამწუხაროა, რომ საქმოდ ერუდირებული, ცხოვრებაში ჩახედული ადამიანები გაპყვირის, რატომ დაცულა მაღალმთიანი სოფელი, ბრალს სდებენ სოფლის სოციალისტური გარდაქმნის პროცესებს, კოლმეურნეობების და საბჭოთა მეურნეობების შექმნის პროცესს. ჩემის ღრმა რწმენით ისინი ბევრ რამეში სცოდავენ ქვეყნის, ერის წინაშე.

ჩემი ხნის ბევრის მომსწრე კაცს, ვფიქრობ, დამეჩვენება. დიდი სამამულო ომის პერიოდში, კოლმეურნეობებმა და საბჭოთა მეურნეობებმა ქვეყანას, ფრონტს ფასდაუდებელი სამსახური გაუწიეს. თუ კოლმეურნეობები ბოლო ოცწლეულში ეკონომიურად დასუსტდნენ, ამაში სისტემა კი არ არის დამნაშავე, დამნაშავენი თავად მეურნეობათა ხელმძღვანელები და ყველანი ვართ ერთად. ამიტომ უნდა ვეძიოთ გამოსწორების გზები. ინტერესმოკლებული არ იქნება ავსხსნა თუ როგორი იყო. მაგალითად, ისეთი პატარა მეურნეობა, როგორცაა ტევის კოლმეურნეობა. მე ცოცხალი მემატინე დაუშვტკიცებ

ყველას თუ როგორი იყო ან თუ შორეულ წარსულში საკმაოდ კოლმეურნეობები

დიახ. ზოგ-ზოგები სხვებს უკითხვენ: რატომ ტოვებთ სოფელს. ის კი ავიწყდებათ, რომ თვითონ ეს ვაჟბატონებიც თვალის დაუხანხამებლად წავიდნენ სოფლიდან. მიიღეს უმაღლესი განათლება და სოფლისაკენ არ იბრუნეს პირი. მოკალათდნენ დედაქალაქში. ზოგი მწერალია, ზოგიც სხვა პროფესიის. დავიწყდით სად აიღვეს ფეხი, სად დაფრთხილდნენ. რატომ არ შეიძლება მწერალმა, მხატვარმა იცხოვროს სოფელში და შექმნას თავისი ნაწარმოებები. მაგალითად ჩვენი საამაყო ვაჟ-ფშაველა, ალექსანდრე ყაზბეგი სოფელში ცხოვრობდნენ, ოტია იოსელიანი ახლაც სოფლად ცხოვრობს და ქმნიდნენ და ქმნის უკვდავ შედეგებს.

დროა სიმართლე ბოლომდე ითქვას. ბოდიშს გიხდით მხილებისათვის, მაგრამ მეტის მოთმენა აღარ შეიძლება სხვისთვის მორალის კითხვას თავი გავანებოთ, მორალი საკუთარ თავს წავუკითხოთ, დროა რა პროფესიისაც არ უნდა ვიყოთ. ხელი მოვკიდოთ პრაქტიკულ საქმიანობას.

მინაწერი: მე შეგნებულად არ ვასახლებ კონკრეტულ პირებს, ვინაიდან სამწუხაროდ ძალიან ბევრია.

აღ. ნემსწერიძე.

ომის, შრომისა და პარტიის ვეტერანი.
სოფ. ტევის.

სამგაერო: გაქოსავალი ყველა უნდა ვაძირკი

შპმ მეხუთე დღეა გრძელდება სატრედიის საკინიგზო მაგისტრალის პიკეტირება, რომელიც წმინდა ილია მართლის საზოგადოებას ინიციატივით მოეწყო. 30 ივლისისათვის ამიერკავკასიის რეაინგზის სამტრედიის განყოფილებას მონაქვეთზე 17 სახალხო და 50 სატვირთო შემადგენლობა იდგა.

თუ თავდაპირველად მგზავრთა რიცხვი 6 ათასს შეადგენდა, დღეისათვის უმეტესობა გადაყვანილია ავტობუსებით. ამჟამად 740 მგზავრი იმყოფება ახალ ათონში, 80 რიონში, 120 — სოხუმის რეინგზის სადგურში. შეწყვეტილია ხორბლის ჩატვირთვა ბათუმისა და ფოთის ელევატორებში, 30 ივლისის დღიდან საავტოსამგზავრო ხარალში 2,500,000 ათას მანეთს გადააჭარბა. რეინგზის ტრანსპორტის მოძრაობა და პროკურატურის მონიტორინგით ყველა ღონისძიება, რომ არ გაიმარცხოს სხვადასხვა გადასარბენებსა თუ ჩიხისა და რეინგზის ვაგონები.

ჩვენი მოთხოვნები ფაქტობრივად იგივე რჩება, — უთხრა საინიციატივო კორესპონდენტს ილია მართლის საზოგადოების რაიონ

ნული ორგანიზაციის თავმჯდომარე ზვიად მიხეილაძე. — განსახილველად უნდა გამოქვეყნდეს უწინაესი საბჭოს მომავალი არჩევნების კანონის პროექტი. თანაც იგი უნდა განიხილოს სესიამ, რომლის მოწვევის ვადები არაფრით არ შეიძლება გადასცილდეს 7 აგვისტოს. ამ შემთხვევაში ჩვენ მთლიანად ვეთანხმებით რესპუბლიკის სახალხო ფრონტის მიერ შემოთავაზებულ ვადებს. ვინაიდან სხვა შემთხვევაში აქვეყნების მოსაშაღებლად რომელზეც ქართველი ერი ასეთ დიდ იმედებს აწყობებს, დრო აღარ რჩება. ამასთან სამტრედიის უნდა ჩამოვიდნენ ჩვენი რესპუბლიკის ხელმძღვანელი და მრგვალი მაგიდის წარმომადგენლები, რომელთა დიალოგის შედეგად უნდა განისაზღვროს ჩვენი მოთხოვნების დაცვის გარანტიები.

31 ივლისს აქცია რეინგზის შეწყდა.

ავალორმინოთ ქართული მეაბრეშუმეობა

დ მ ე რ თ ვ ა
შ ე ა რ გ ო ს!

თუთის ფოთლის დაავადებამ ისე დაატყო თავისი კვალი ქართულ მეაბრეშუმეობას, რომ 15 წლის წინ 60-70 კილოგრამიან მიჯნას თუ რომელიმე მეაბრეშუმე გასცდებოდა, საარეკორდო მოსავლად ეთვლიდით.

ამ ბოლო წლებში მეაბრეშუმეობის საკვები ბაზა მოძლიერდა, წამახალისებელი ღონისძიებანიც დაიწერა. ანაზღაურებაც ვაცილებით მაღალია, და ბუნებრივია, ქალებიც ახლა უფრო მეტი გულმოდგინებითა და ერთგულებით შრომობენ. გსიაშოვნებს, მაგრამ ჩვეულებრივ ნორმად იქცა 100-150 კილოგრამი პარკის ჩაბარება ერთი ოჯახისაგან.

ბევრისგან იმასაც გაიგონებთ, ავტომანქანებია გათვალისწინებული მოწინავეებზე, სხვა რაღაც შეღავა

თები და ბევრმა თავიც იმიტომაც გადასდო. ჯერ ეს ერთი, აბრეშუმის ჭიის მოვლა ვისაც ძვალ-რბილში ჰქონდა გამგდარი, ისევ უფლის (გელბური სიყვარულით და ერთგულებით) და თუნდაც გარკვეული შეღავათები ამოძრავებდეს, ამაში თავისთავად რა უნდა იყოს ცუდი. პირიქით დმერთმა გვიმრავლოს სახელდებული ქალები და ნურც ჩვენ დაგვეჩვენება მათთვის ნურც სიტყვა და ნურც წახალისება.

მზია ბურჯალიანი ლაჯანელი მეაბრეშუმეა. მისი ოჯახი ყოველთვის გამოირჩეოდა აბრეშუმის ჭიის მოვლით, კარგი მოსავლით. ოჯახის ტრადიციაა ეს საქმე. წელს მზიამ 52 გრამი ჭია დაისვა მოსავლელად. სხვა უმარავ საზრუნავთ

ან ერთად, ეს შრომატევადი სამუშაოც თავისთავად აიღო. როცა ჭიები „დიდკანიდან ამოვიდნენ“, მთელი ოჯახი ჩაება საქმეში. ამის შემდეგ 7 დღეობა უნდა, როგორც წესი, კვება ჭიას და მერე რა კვება — დაფარავ ფოთლით, მოიხედავ უკან და ისევ „შია“. კარგი კვებითა და მოვლით, სითბო-ჰაერაციით მე-8 დღეს ნიშანი მისცა ჭიამ, მერე ერთბაშად წვესია ცახვებს.

— საოცარი განცდაა, — ამბობს მზია. ერთი მატლი რომ არ მოკვდება, ცახვები რომ გაივსება, და გული საგულეს ჩაავიდება, თითქოს არც დალილიყო, ოფლი არ მოგვიდნოს.

მზიამ წელსაც კარგი რთველი დაიყენა — 184 კილოგრამი შემატა ქართული აბრეშუმის პარკის ხვავს. მზია ბურჯალიანმა კარგი ქალობაც დაიმსახურა კარგი შრომით და კარგი ანაზღაურებაც. ღმერთმა შეარგოს!

მ. გურული.

ამ განვიხილავ ვასილ ამაშუ-
კელის მიერ შექმნილ პირველ
ქართულ სრულმეტრაჟიან „მუნჯ“
კინონარკვევს და რეჟისორ ალექ-
სანდრე მამულაშვილის მიერ
გადაღებული ორ პოპულარულ
ხმოვან ნაწარმოებს.

ისტორიულ-დოკუმენტური კი-
ნოფილმის „აკაკი წერეთლის
მოგზაურობა. რაჭა-ლეჩხუმში
1912 წელს“ დედანი არ დაკარ-
გულა. მხოლოდ ის იყო, რომ
დიდხანს დაივიწყეს, აღარ ახსო-
ვდათ.

1946 წელს მე გამიჩნდა აზრი
ფილმის მოძებნის შესახებ და
ვესაუბრე ვასილ ამაშუკელს.

მან მითხრა: დედანი (პოლი-
ტიკი) საქართველოს ლიტერატურ-
ულ მუზეუმში მდებარეობდა,
მაგრამ ამისათვის თავს ნუ შევი-
წუხებთ. სულერთია, რომ მოვ-
ნახოთ ფილმს ეკრანზე ახლა
მინც არავინ გაუშვებსო. იმი-
ტომ, რომ ჩემს ფილმში გადა-
ღებულია და მოჩანს ნიკორწმი-
ნისა და ბარაკონის ტაძრები და
მონაწილეობენ მღვდლები. დიდი
ხანია ეკლესიისა და მღვდლის
სურათებს გაზეთში არ აქვეყნე-
ბენ და ამ „წესს“ კინოც იცავსო.

ვასილ ამაშუკელმა გულისტი-
ვილით თქვა სიმართლე, მიუხე-
და დაბრკოლება—საკვირველი
და სამწუხარო.

მომავალ თაობას გაუჭირდება
დაჩვენოს და ახლაც კი წარმოუ-
დგენელია ფიქრი იმაზე, რომ
ჩვენში რამდენიმე ათწლეულს
არსებობდა და უკვე განვლილ
ასეთი ბნელი ანტირელიგიური
პერიოდი.

შაშინ (1946 წელს) ვასილ ამა-
შუკელის რჩევა მე არ მივიღე და
ჩემი სურვილი ანე ჩამოვაყალიბე
—ვთხარა: გასაგებია, დღეს
ამ ძველ ფილმს მაყურებელი რა
მიზეზით ვერ იხილავს, ჩვენ მა-
ინც გავაკეთოთ სასარგებლო სა-
ქმე: წერილი დავბეჭდოთ გაზეთ-
ში, მას ვინმე კინოცოცონდნე გამო-
ეხმაურება, გაარკვევს, ფილმი
თუ არსებობს სადმე ან მოიძებ-
ნის და უპატრონებს (დაიცავს)-
მეთქი; ბოლოს და ბოლოს კად-
რებს ამ ფილმიდან კინოსტუდია
გამოიყვანებს სხვა ახალი დოკუმენ-
ტური ნაწარმოებისათვის.

ვასილ ამაშუკელის დასტურით
1947 წელს პრესაში აღძვარი სა-
კითხი კინოფილმის აღდგენის შე-
სახებ (იხ. გაზ. „ინდუსტრიული
ქუთაისი“, №58 1947; ჩემი წი-
გნი „აკაკი წერეთლის მოგზაუ-
რობა რაჭა-ლეჩხუმში“, 1947,
გვ. 71).

ამ საკითხით დაინტერესდა კი-
ნოისტორიკოსი და დრამატურგი
კარლო გოგოძე და შეუდგა ვა-
სილ ამაშუკელის ცხოვრებისა და
შემოქმედების შესწავლას. თა-
ვის სიცოცხლეში ის ძირითადად
ამ თემაზე მუშაობდა, კარლო
გოგოძემ 1958 წელს საქართვე-
ლოს ლიტერატურულ მუზეუმ-
ში მოძებნა ფილმის ძირითადი
ნაწილი, 1200 მეტრი ფირიდან
შემორჩა 800 მეტრი და ისიც
დაიღუპებოდა, დროზე რომ არ
გვეჩვენა და არ მიგვეჩვენა,
(დედანი ძალზე დაზიანებულია,
არ იყო სათანადოდ შენახული
და მოვლილი).

აღდგენილ ისტორიულ „მუნჯ“
ფილმს 1955 წლიდან უჩვენებენ
რესპუბლიკაში აკაკი წერეთლის
საიუბილეო თარიღებთან დაკავ-
შირებით.

სამხსოვროა ცნობილი ფრან-
გი კინოისტორიკოსის ჟოზე სა-
ლულის ნათქვამი: მთელი მსოფ-
ლიოს სინამდვილეში 1912 წლა-
მდის შემწილს ასეთი მოცულობ-
ის სხვა სრულმეტრაჟიან დო-
კუმენტურ ფილმს მე არ ვიცნო-
ბო.

გადარჩენილ და აქამდე მოლ-
წეულ ფილმში სახალხო ზეიმი
მინც ცხადად იგრძნობა. ცოც-
ხალი აკაკის სახე მაყურებელზე
წარუშლელ შთაბეჭდილებას ახ-
დებს.

დარბაზს უსაზღვრო სიხარუ-
ლი მოიცავს, როცა ეკრანზე
რამდენჯერმე გამოჩნდება სავა-
რძელში ჩამჯდარი აკაკი, რომე-
ლსაც პატივისცემის ნიშნად ხე-
ლით ატარებენ. აკაკიც ფერხულ-
ში ებმება და ბავშვებს ეალერ-
სება. ფილმში ძირითადად ხალ-
ხი მოქმედებს.

მაყურებელი ეცნობა რაჭა-ლე-
ჩხუმის ახლო წარსულს; ძველე-
ბურ დაბეგსა და სოფლებს, გარ-
დასულ ყოფა-ცხოვრებასა და
ზნეჩეულებს. მომხიბვლელად
ასახულია რაჭა-ლეჩხუმის წარ-
მტაცი ბუნება—რიონის, შაო-
რისა და ლაჩანურის ხეობები.

ახალგაზრდა ოპერატორი ნი-
ქიერ შემოქმედდა გვევლინება,
მას ბევრი მომენტი ოსტატურად
აქვს დაჭერილი და გამოყენებუ-
ლი. მხატვრის მახვი-
ლი თვალი და ფაქიზი გემოვნე-
ბა ყველა კადრში იგრძნობა.

აკაკი დოკუმენტურ ფილმებში

ვასილ ამაშუკელის ნაწარმოები
ქართული კინოხელოვნების შემ-
დგომ სწრაფ აღმავლობასაც
ადასტურებს.

„ხელოვნებაში“ 1979 წელს გა-
მოსცა ამაშუკელისეული კინო-
ფილმის კადრები ფოტოალბომი
(ქართულ, რუსულ და ინგლისურ
ენებზე—შერჩეულია 90 კადრი).
კრებული ავტორ-რედაქტორია
კარლო გოგოძე.

წინათ პრესაში მე აღძვარი
საკითხი და ახლაც მოვითხოვ,
რათა შეიქმნას განახლებული
ხმოვანი დოკუმენტური კინოფი-
ლმი—„აკაკი წერეთლის მოგზა-
ურობა რაჭა-ლეჩხუმში 1912
წელს“.

ვასილ ამაშუკელისეული „მუნ-
ჯი“ ნაწარმოების გადასამუშა-
ვებლად უნდა დაიწეროს სცე-
ნარი. საჭიროა ფილმი შეივსოს
და გამდიდრდეს მხატვარ კოტე
ქავთარაძისეულ ფოტოალბომში
ასახული უცნობი მომენტებით,
ახლად გადაიღება ისტორიული
ადგილები (ბუნებისა და კულ-
ტურის ძეგლები) და ხალხური
სანახაობანი, გახშიანებისათვის
ძვირფასი ცნობილი ტექსტები
გვაქვს. ამ სანდო წყაროებზე
დამყარებული სრულიად ახალი
ფილმი მაყურებლის გაზრდილ
მოთხოვნილებას ყოველთვის
დააკმაყოფილებს.

1964 წელს თბილისის კინო-
სტუდია საქართველოს სსრ განა-
თლების სამინისტროს დაკვეთით
გამოუშვა მხატვრულ-დოკუმენ-
ტური ფილმი, რაც უკვდავი
მგონის მრავალფეროვან ცხოვ-
რებასა და შემოქმედებას ნათ-
ლად აშუქებს. მისი დამდგმელ-
რეჟისორი იყო ალექსანდრე მა-
მულაშვილი.

ეს ნაწარმოები („აკაკი წერე-
თელი“) ერთგვარ ლიტერატურ-
ულ მონტაჟსაც შეიცავს, რა-
დგან მასში ჩართულია კადრები
ცნობილი მხატვრული ფილმე-
ბიდან „აკაკის აკვანი“ და „ბაში-
აჩუკი“ და დოკუმენტური ფილ-
მიდან „აკაკის მოგზაურობა რა-
ჭა-ლეჩხუმში“. აგრეთვე აქ უხ-
ვადაა გამოყენებული ფოტოდო-
კუმენტური მასალაც.

ფილმი გვაცნობს პოეტის ბა-
ვშვობას სოფელ სხიტორში, მის
ყოფნას ქუთაისის კლასიკურ გი-

მნაზიასა და პეტერბურგის უნი-
ვერსიტეტში, აკაკის ურთიერთო-
ბას მის თანამედროვე მოღვაწე-
ებთან (წარმოდგენილი არიან
ნიკოლოზ ჩერნიშევსკი, ილია
ჭავჭავაძე, ნიკო ნიკოლაძე, კი-
რილე ლორთქიფანიძე, ივანე
მაჩაბელი, ვაჟა ფშაველა), აკაკის
დამოკიდებულებას ქართულ პრე-
სასთან, თეატრსა და საოპერო
ხელოვნებასთან, ნაჩვენებია აკა-
კისა და მაქსიმ გორკის აკაკისა
და ტარას შევჩენკოს ახლო ნა-
ცნობობაც.

ფილმში „ბაში-აჩუკის“ გარდა,
ინსცენირებული სახით დამუშა-
ვებულია აკაკის პოემები—„თო-
რნივე ერისთავი“, „ნათელა“,
„გამზრდელი“.

აკაკი წერეთელი წარმოთქვამს
სიტყვებს კახეთში, „ილიაობის“
მეორე დღეს, და მთაწმინდაზე,
ილია ჭავჭავაძის ნეშტთან.

ვეცნობით აკაკის იუბილეს თბი-
ლისის ოპერის თეატრში და ვა-
ჟა-ფშაველას დაუვიწყარ გამოსვ-
ლას ამ ზეიმზე.

ნაჩვენებია აკაკის მოგზაურო-
ბანი კახეთში, გორში, ქვემო
იმერეთსა და რაჭა-ლეჩხუმში.

დასასრულ—მგონის გარდაცვა-
ლება და დაკრძალვა. ფილმი
მდიდარია აკაკის ჩანაწერ აუღე-
რებული სიმღერებით.

კინოფილმში მონაწილეობენ
მსახიობები: ნატო ვანნაძე, თამარ
ციციშვილი, სანდრო ჟორჟოლ-
იანი, კოტე მიქაბერიძე, გიორგი
შავგულიძე, სპარტაკ ბალაშვი-
ლი... მოხუც აკაკის როლს ას-
რულებს მიხეილ ყვარელაშვილი.
სცენარის ტექსტს კთხულობს
ეროსი მანჯგალაძე.

ძვირფასია რამდენიმე კადრი,
რომლებიც ამოღებულია პირვე-
ლი ქართველი კინემატოგრაფი-
ის ვასილ ამაშუკელის ისტო-
რიული ქმნილებიდან.

ასახულია რაჭა-ლეჩხუმში
1912 წელს გამართული შემდე-
გი შეხვედრები და მომენტები:
1. კრებულის გზაზე ხალხი
მიაცილებს სავარძლით პაერში
ატაცებულ აკაკის, ვინც ლექც-
იას წაიკითხავს. 2. ბარაკონში
შამადავლე ერისთავისას ტარ-
დება ფერხული. მასში პოე-
ტიც მონაწილეობს. 3. ნიკორწ-
მინდისაკენ მიმავალ ხოტევის
გზაზე უთვალავი ცხენოსნები

ჭირითით მიაცილებენ მგოსანს,
4. აკაკის გასერება ხდება
დაბა ონის ბაღში მანდილოსნე-
თან ერთად. 5. ლაილაშის მთა-
ვარ საბაზრო გზაზე ეტლს სავ-
რძელი სცვლის. აღფრთოვანე-
ბული მასპინძლები და პოეტი
სკოლის ეზოსაკენ მიემართებიან.

6. მდიდარი აკაკი მარტოა, აგრ-
ეთვე მხლებლებს ესაუბრება
მოგზაურობის დამთავრების შე-
მდეგ ქუთაისის ბაღში.
კინოფილმი „აკაკი წერეთ-
ელი“ შეუნილებელ ინტერესს
იწვევს.

ქართულ დოკუმენტურ ფილ-
მთა კინოსტუდიაში 1971 წელს
გამოუშვა ვასილ ამაშუკელის
ცხოვრებისა და შემოქმედების
ამსახველი მოკლემეტრაჟიანი
ნაწარმოები. მისი სულისჩამდგ-
მელია რეჟისორი ალექსანდრე
მამულაშვილი — პოპულარული
კინოფილმის „აკაკი წერეთლის“
ავტორი.

ფილმში გადაღებულია განა-
ხლებული ქუთაისი—ინდუსტრიუ-
ლი ქალაქი ისტორიული ადგი-
ლებითურთ. მასში აღბეჭდილია

კინოთეატრ „რადიუმის“ შენო-
ბა, უქიმიერონის მთა, ბაგრატი-
ნის ტაძრის მდებარე მარჯანიშვი-
ლისეული ეზო და ასწლოვანი
ოდასახლი, სადაც ვასილ ამაშ-
უკელი ცხოვრობდა.

ბაგრატის ტაძრის გალავანში
შეკრებილა სტუდენტ ექსკურსა-
ნტთა ჯგუფი. მათ შორის არის
ვასილ ამაშუკელი. იგი ახალგა-
ზრდებს შინ მიიწვევს.

თვალადი და დარბაისელი ვა-
ჟაკი მოგვიტობრებს თავის სიჭ-
აბუკეზე—გება მოსოვსა და
ბაქოში, თბილისსა და ქუთაის-
ში ყოფნას, მაღლიერებით იგო-
ნებს ისტორიული კინოფილმის
შექმნის ინიციატორებს, ყურად-
ღებას ამახვილებს გადაღების
ზოგიერთ მომენტზე—თუ რო-
გორ უჭირდა პრიმიტიული აპა-
რატით მუშაობა, მაგრამ გატაც-
ებული იყო, რადგან სახალხო
მგოსნის მითითებას ასრულებდა.
სამხსოვროა, რომ თვით აკაკიმ
იხილა ამაშუკელის „მუნჯი“,
მაგრამ მეტყველი სურათი და
აღფრთოვანებული დარჩა.

რეჟისორმა ალექსანდრე მა-
მულაშვილმა თავის ნაწარმოებში

ლმა მსახიობის პირით მოიხმად
ოს საქართველოს სახალხო პო-
ეტ-აკადემიკოსის გიორგი ლეო-
ნის მიერ 1968 წელს ქუთაისში
წარმოთქმული სიტყვა—ვა-
სილ ამაშუკელის შესახებ.
დოკუმენტური ისტორიული კი-
ნოფილმის კადრთა ფოტოალბო-
მი. 1979, გვ. 16-17).

3. საჭიროა ვაჩვენოთ ვასილ
ამაშუკელის იუბილეს თბილისში
1972 წლის 2 ივნისს, რაც გადა-
ღებული იქნა ტელევიზიით;

4. 1972 წლის 10 ივნისს
ტელევიზიით ნაჩვენები იქნა ვა-
სილისა და კინორეჟისორ რევაზ
ჩხეიძის საუბარი;

5. ქართულ ფილმთა პირვე-
ლი რესპუბლიკური ფესტივალი
ქუთაისში 1974 წელს დიდმნიშ-
ვნელოვანი მოვლენა იყო. ვასილ
ამაშუკელს, როგორც დოკუმენ-
ტური კინოს ფუძემდებელს, მი-
ენიჭა საქართველოს სსრ სახალ-
ხო არტისტის წოდება. მანვე
მიიღო საპატიო პრიზი, დიპლო-
მი და საკუთარი ფირის ასლიც!

6. 1976 წლის გაზაფხულზე
ტელევიზიით ვიზილეთ ვასილი-
სა და კინომცოდნე გიორგი
დოლიძის საუბარი;


7. 1977 წლის 27 აპრილს
ტელევიზიამ მოამზადა და გად-
ოსცა ვასილ ამაშუკელის დაბად-
ების 90 წლისთავის აღსა-
ნიშნავი საიუბილეო საღამო;

8. 1977 წლის 8 დეკემბერს
ვასილ ამაშუკელის დაკრძალვა
ქუთაისში გადაღებული იქნა
კინოსტუდიის მიერ (რეჟისორე-
ბი— შალვა ხომერიკი, შალვა
ჩაგუნავა, ახალგაზრდა ოპერატ-
ორი დანელია). დაკრძალვა კი-
ნოფორზე გადაიღო ფოტოჟურ-
ნალისტმა, არსენ ჩარკვიანმა.

9. ვასილ ამაშუკელი მონაწი-
ლეობდა საქალაქო იუბილეებზე,
რომლებიც ქუთაისში გაიმართა
სხვადასხვა დროს შალვა დადი-
ანის (1954 წ.), იოსებ გრიშაშვი-
ლის (1960 წ.), გიორგი ლეო-
ნის (1968), ლადო ასათიანის
(1964 წ.) და ირაკლი აბ-
აშიძის (1971 წ.) საპატივცემუ-
ლოდ. გამოსაყენებელია ფოტო-
მასალა ვასილის საოჯახო და
სხვა საიუბილეო ალბომებიდან.

თუ ამგვარი ნაწარმოები შეი-
ქმნება, ამ არა კინოქრონიკას,
არამედ უკვე სრულყოფილ
დოკუმენტურ კინოფილმს ვასილ
ამაშუკელზე ქართველი მაყურ-
ებელი ყოველთვის დიდი ინტე-
რესით გაეცნობა.

მიხეილ ალავეიძე.



კურორტ „ლიშიქალის“ დამსვენებლებს ყველა პირობა აქვთ შე-
ქმნილი ნორმალური დასვენებისა და მკურნალობისათვის. ისინი
გამოცდილი, ხელმძღვანელი მკურნალების მეთვალყურეობის ქვეშ
იმყოფებიან, იღებენ მითითებებს, რჩევა-დარიგებებს.

სურათზე: ექიმი ნაირა ლარცულაიანი ხელსაწყო ანალიზატორ
„ექსან 6“-ით ღიაბეტით დაავადებულ ავადმყოფს უკეთებს სისხ-
ლის ანალიზს.

ზ. ზომბაშას ფოტო.

ილიაობა (ედიობა)

დღეს ელიობა—ასე უწოდებს ამ ქრისტიანულ დღესასწაულს უბრალო ხალხი, იგი უხსოვარი დროიდან აღინიშნება საქართველოში და დაწესებულია ქართულ გადმოცემებში ღვთაება ელიად ტრანსფორმირებული ილია წინასწარმეტყველის (თეზბიტელის) საპატრივტულოდ.

გადმოცემით (სამეფოთა წიგნების მიხედვით) ილია ძველი წელთაღრიცხვის მე-9 საუკუნეში ცხოვრობდა ჩრდილო ისრაელში, მას მოღვაწეობა დაუწყო აქაბის მეფობის დროს, როცა იახვეს (იელოვა) კულტი დაჩაღიდა ქანანელი ღვთაების ბაალის კულტმა, ეს მოხდა უცხოელი დედოფლის იახველას გავლენით, ახალი ღვთაების პატივსაცემად მრავალი საკურთხეველი აიგო, გაჩნდნენ წინასწარმეტყველები, ხოლო იახვეს წინასწარმეტყველები იდეებდნენ.

ილიამ ბაალის თაყვანისცემის გამო სამწლიანი გვალვის დადგომა უწინასწარმეტყველა ქვეყანას, ამან მეფე განარისხა და ილიამ გაქცევით უშველა თავს, ხეტიალის დროს მას კვებდნენ ყვავები, ხორცი და პურით აპარავდნენ.

წინასწარმეტყველება ახლა, სამი წლის თავზე გვალვა შეწყდა, მანამ კი ილია კარმიდის მთაზე შეხვდა ბაალის წინასწარმეტყველებს, მთაზე ააგეს სამსხვერპლო და მიიყვანეს შესაწირი დაკლული ხბოები, შეთა-

ნხმდნენ, რომ ქეშმარიტი ღმერთი ის იქნებოდა, რომელიც ცეცხლს შეუთებდა ცხოველებს. ბაალის 450 წინასწარმეტყველი ამაღლევდნენ ბაალს თავის ღმერთს, ცეცხლი არ ჩნდებოდა, ილიას ერთი ლოცვა კი საქმარისი აღმოჩნდა იმისათვის, რომ სამსხვერპლოზე ცეცხლი ავიწვავდნენ.

ბიბლიური თქმულებები გვიამბობენ ილიას სასწაულებრივ შესაძლებლობებზე, ერთხელ თურმე მან შეიცვალა საწყალი ქვრივი და „გაუმრავლა“ ფქვილი და კარაქი, მერე კი მკვდრით აღუდგინა შვილი, ამგვარი სასწაულები მან მრავალჯერ მოახდინა და ამით ღვთის რწმენა განუშტყიდა ხალხს.

როცა უამმა დაჰკრა ილიამ წინასწარმეტყველის სამოსი და ძალაუფლება გადასცა თავის მოსწავლეს ელისეს, თვითონ კი ჩაქდა უეცრად გამოჩენილ ცეცხლოვან ეტლში, რომელშიც ცეცხლოვანი რაშები იყო შეხმული და ცაში გაუჩინარდა, ქრისტიანული თქმულებების მიხედვით ილია (ელია) ცოცხალია.

იგი კვლავ დაბრუნდება დედამიწაზე, რათა აქ მოკვდეს, რადგან მასაც არ შეუძლია განთავისუფლდეს პირველქმნილი ცოდვისაგან, გადაურჩეს სიკვდილით დასჯას. მის დაბრუნებას მოჰყვება მესიის მოვლინება და ქვეყნის დასასრული.

როგორც ცნობილია, ძველ საქართველოში (და საერთოდ ქრისტიანულ სამყაროში) მორწმუნენი საკუთარ დაბადების დღეს ისე არ აღნიშნავდნენ, როგორც თანამოსახელე წმინდანთა დღესასწაულებს: ნინოობას, მარიამობას, გიორგობას, საგურამოში ყოველწლიურად აღნიშნავდნენ ელიობას, როგორც დიდი ილიას დღესასწაულს, მისი სახელობის დღეს.

განგებამ ისე იწვია, რომ ელიობა ქართველთათვის ორმაგ დღესასწაულად იქცა. 1988 წელს ქართულმა მართლმადიდებლურმა ეკლესიამ წმინდათა შორის შერაცხა ილია ქვეყანაში—ერის მამად წოდებული დიდი მამულიშვილი, უწოდა მას წმინდა ილია მართალი და ხსენების დღედ 2 აგვისტო (20 ივლისი) დააწესა, ამ დღეს ქართული ეკლესია იხსენიებს აგრეთვე მე-18 საუკუნეში სპარსთაგან წამებულ წმინდა სალომე ქართველს და ეს არის ანგელოზის დღე სრულიად საქართველოს კათოლიკოს-პატრიარქის ილია II-სი.

ია ხველიძე.

გლახი ქალაქიდან



ნოზგოროდის ოლქი, ლენინგრადელი იური მურანოვი ამ ცოტა ხნის წინ დასახლდა ვალდაისკის რაიონის სოფელ დომაში. მისი მეურნეობა ჯერ მცირეა: ორი მეწველი ძროხა, ამდენივე მოზარდი და მოზერტი აქვს მოტობილი ნაყრები მოწყობილობით მიწის ნაკვეთის დასამუშავებლად.

ახლადგამომცხვარი გლეხი ფიქრობს შეიძინოს საბჭოთა მეურნეობისაგან 12 ჰექტარი მიწა და მისი დასამუშავებელი ტრაქტორი, განავითაროს ფერმა 10-12 ძროხით, მათი საკვებით უზრუნველყოფისათვის, მოიწვევს ბალანს და მარცვლულს. მიღებული რძის ნაწილი ფიქრობს ჩააბაროს საბჭოთა მეურნეობას მისი ვალების დასაფარავად.

სოფელ დომაში მურანოვებს სხვადასხვა მიზნით, ე. კუდროვმა რომელიც ადრე ლენინგრადში ქარხანაში მექანიკად მუშაობდა, გადაწყვიტა შეუდგეს გლეხურ მეურნეობას.

სურათზე: იური და გალინა მურანოვები.

მოკლე ამბები

გასაგონებელი დედანთან ერთად

უღოკუმენტო მგზავრი აღმოაჩინეს სადგურ ზაბაიკალსკის შებუქებში, როცა საზღვარგარეთ გასაგზავნ ტვირთს სინჯავდნენ. ამასთან ის ასაკით სულ რამდენიმე წუთისა იყო და იმალებოდა საბჭოთა იურის დასის ნივთებში, რომელიც ჩინეთის სახალხო რესპუბლიკაში მიემგზავრებოდა გასტროლებზე.

არტისტებთან ერთად საზღვარგარეთ მოგზაურობაში გაემგზავრა გაწვრთნილ ცხოველთა ჯგუფიც, ისინი ცოტა ხნით შეჩერდნენ საზღვარზე ფორმალურობის დასაცავად. მაგრამ ეს დროც საქმარისი აღმოჩნდა მისთვის, რათა ვეფხე ჩიუქის—ერთ-ერთი ატრაქციონის მონაწილეს—შეთამამლობა გაემრავლებინა.

სასაზღვრო-სავეტერინარო კონტროლის თანამშრომლებმა გამოიკვლიეს პატარა და ყოველგვარი დაბრკოლების გარეშე გაუფორმეს დოკუმენტები: მეტად მრისხანედ გამოიყურებოდა ამ დროს დედა, ისე, რომ ვეფხვის ბოკერმა, რომელსაც მეტსახელად გურანი დაარქვეს, სრულიად ლეგალურად შესძლო გადაელახა კორდონი და არ დასცილებოდა დედას.

გაზიანი წყლით... მოჩუხის შაფრე

ტოლიატი (კუიბისევის ოლქი). მოულოდნელი გასაღების ბაზარი გაუჩნდა ნახშირორქანს, რომელსაც გამოიმუშავებს საწარმოო გაერთიანება „ტოლიატი“. ადგილობრივმა მეზღვეებმა შენიშნეს, რომ თუ ხენდროს გაზიანი წყლით მოვრწყავთ, მისი ნაყოფიერება ერთნახევარჯერ გაიზარდება, ორჯერ სწრაფად იზრდება და უფრო სურნელოვანი ხდება ვარდი, თუ მას გაზიანი წყლით მოვრწყავთ. განსაკუთრებით ეფექტანია გაზიანი წყალი ტუტთან ნიადაგებში. მორწყვის დროს ერთ ლიტრ წყალზე იღებენ 0,31-0,5 გრამ ნახშირორქანს.

რაიონის „სანიტარი“ — კოოპერატივი

საბურთალოს რაიონის სპეციალმეურნეობამ დამოუკიდებლობა მოიპოვა, აქ შეიქმნა კოოპერატივი „სისუფთავე—90“.

რა მისცა „აგრონომიამ“ სპეციალმეურნეობას?

—ამიერიდან ჩვენ ორი ბატონის მსახური აღარ ვართ, —თქვა კოოპერატივი „საბურთალო—90“ —ის თავმჯდომარემ თამაზ გუგუბიძემ. —დავიწყეთ იმით, რომ შევამცირეთ მუშაკთა შტატები, ხოლო დანარჩენებს ხელფასი გავუღიდეთ. ძნელია შემოსავლის კონკრეტული ციფრის დასახელება, მაგრამ ყოველივე აქედან გამომდინარე სოლიდური თანხა შეგროვდება, ჩვენ უკვე ყაირათიანად თვითონვე განვაგებთ საკუთარ სახსრებს, და რაში უნდა დავაბანდოთ ფული, ესეც ძალიან კარგად ვიცით. საჭიროა გვახსლოთ აგროპარკი, უანგამტკიცოთ სარემონტო ბაზა, ბაილით მუშაკთა სპეცტან-ოუ თა-

საცმლისა და ინვენტარისათვის. სპეციალმეურნეობის კარმიდამოს ახლა ვეღარ იცნობთ. მას შემოვლებული აქვს ახალი მესერი, ტერიტორია დასუფთავებულია, „პირდაპირი“ დგანან ნავის საზიდები. არც რაიონის საბინაო—საექსპლუატაციო ტრესტი გვსაყვედურობს: დროულად, გრაფიკის მიხედვით, გამოაქვთ სახლებიდან ნავი, ყოველთვის დაგვიღია ქუჩები.

სხვათა შორის, განზრახული გვაქვს ჩაებატროთ ექსპერიმენტი, ორ მაღლივ სახლში დავხურავთ ბუნებრივ და მოსახლეობას დაუტრეგებთ ცელოფანის პარკებს, რომლებსაც ნარჩენებით გავსების შემდეგ ჩაყრიან კორპუსთან მდგარ კონტეინერში. რა საჭიროა ბუნებრივი ბევრი მათგანის კარგები და ზიანებელია, დეზუქტები, როგორც წესი, მათ გვერდს უვლიან. საკვების ნარჩენები,

რომლებითაც მუდამ სავსეა ბუნებრივი შიდა ნაწილი, ხელს უწყობს ვირთხებისა და მწერების გაჩენას. აქ კი დილით გამოხვალ გარეთ პარკს ჩაადგებ კონტეინერში—იოლიცა და სისუფთავე დატულია. ვფიქრობთ, ეს ექსპერიმენტი მხარდაჭერას პოვებს მოსახლეობაში, მით უმეტეს, რომ პარკებით მომარაგებას ჩვენს თავზე ვიღებთ.

(საქინფორმი).

შვილი ვიოლა ზურაბიანი, სიძე როსტომ მუშეულიანი, შვილიშვილები ალექო, თემო, მძახლები ალექსანდრე, ოლია მუშეულიანები იუწყებიან, რომ გარდაიცვალა

თედორე ალიბეგის ძე ზურაბიანი, პანაშედი წყალტუბოს რაიონი, სოფ. ახალ საყულიაში, გამოსვენება 4 აგვისტოს, შაბათს, 3 საათზე, დაკრძალვა ლენტეხის რაიონის, სოფ. ჭეღერში.

ლასურიასის საშუალო სკოლის 1988 წლის კურსდამთავრებულები და კლასის ხელმძღვანელი თინათინ ნებიერიძე თანაუგრძნობენ გემალ მუშეულიანს დედის

ნანული მუშეულიანის გარდაცვალების გამო.

შოთა, რუბენ, ზურაბ ნემსწერ-იძეები ოჯახებით იუწყებიან, რომ გარდაიცვალა

ნანული მუშეულიანი-ხეცურიანი.

რედაქტორი

ნ. ნემსაძე.

ცაგერის პროფესიულ-ტექნიკური სასწავლებლის თანამშრომლები თანაუგრძნობენ გურამ მუშეულიანს რძლის

ნანული ხეცურიანის გარდაცვალების გამო.

ცაგერის რაიონული საავადმყოფო-პოლიკლინიკის თანამშრომლები თანაუგრძნობენ ვიოლა ზურაბიანს მამის

თედორე ზურაბიანის გარდაცვალების გამო.

ალექსანდრე, კობა, მურმან, მურადი მუშეულიანები, მურთაზ ჩარკიანი, ანზორ ტვილიანი ოჯახებით იუწყებიან, რომ გარდაიცვალა

თედორე ზურაბიანი.

საფინანსო განყოფილების თანამშრომლები თანაუგრძნობენ სოსო ქომეთიანს მამიდის

ნელი ქომეთიანის გარდაცვალების გამო.

რაიონის აფთიქის თანამშრომლები თანაუგრძნობენ შორენა სვანიძეს მამიდაშვილის

ნანული ხეცურიანის გარდაცვალების გამო.

სოსო, სეით ქომეთიანები, ყორა თუთისანი ოჯახებით იუწყებიან, რომ გარდაიცვალა

ნელი ქომეთიანი-ფუტყარაძე.

გურამ მუშეულიანი ოჯახით იუწყება, რომ გარდაიცვალა

ნანული არქიზოს ასული ხეცურიანი-მუშეულიანი.

თალიკო ნახტორის ასულ სალინაძეს

გილოცავთ დაბადების დღეს. გისურვებთ უღრეს სიბედნიერებას.

ნანა და გოგი გვიშანიები.